



卷之四

藝文志

事賦驗

圖書

晉知縣事臨川陳之煩纂修

鄭烈志

歌黃鵠之歌生無他志嘯孤燕之嘯死不二心是

冰雪爲肝松筠比節有真獨念斷臂剔目飲藥茹荼

聲不出乎庭中名多遺於世籍編數載筆用并闢揚

青山白水當有增其從龍滋其清潔者矣志節烈

明

RW71/1306/03

藏氏辛存仁妻夫故七日不食死孝

有立坊

祀節孝祠

毛氏李士廣妻守節教子孝

有建立坤元正氣

祀節

孝祠

羅氏夫烈

故氏年十九歲苦節教子終成立

李氏汪庭其妻白髮松石

祀節孝祠

王氏夫烈年十九歲苦節終其身

祀節孝祠

四卡通崇禎六年

王氏前志未載今查南陽志補之○又按南陽志不詳何人妻惟坊表項下有所謂侯門王氏者必其

人也

祀節孝祠

戴氏監司賀公自鏡元配也累封淑人氏賦性貞潔事舅姑克盡婦道家貧親績紡以供大叅膏火及鏡成進士宦遊三十餘年氏力絕綺麗尙節儉一如處昔日貧風崇禎癸酉年踰七旬閤家爲流寇冲散氏仰天嘆曰我命婦也肯屈於賊乎大罵投

井死

賀氏自鏡女性溫良質秀雅更通文理流寇欲奪娶
急避抵烏牛渡賊追甚迫氏謂家人曰我本名門
女詎甘從賊乎言訖投河死

李氏王用善妻崇禎十四年十一月初四日與其
女二遇賊周加禮大罵不屈死

賀氏自鏡姪女罵賊投井死

秦氏自鏡嫂罵賊死於刃

李氏自鏡妾罵賊死於刃

鄭氏廩生張文震妻崇禎十六年氏年二十八土寇
張憲忠作亂戕及震家衆皆逃氏被繫賊以刀脅
之氏不爲屈膝大罵不絕口牽氏走山崖崖下龍
澤托言求飲投潭死寇去老僕告震收尸還見氏
無完膚嘆曰嗟乎折骨不振節烈烈女中丈夫哉
子琳武庠孫爾羽邑庠生

國朝

董張氏年三十而寡撫子董文元克成立教以義方
入太學乾隆三年元遵母命捐施義塚地三畝五
年修白河步口橋母節子孝矢栢舟四十年現年

六十有九歲

輯彰善錄

姚氏王建太妻二十二歲夫亡氏誓不再醮嗣取胞

姪王瑞承夫祀今已三十一年矣

輯彰善錄

楊氏庠生王化育妻結商三載化育歿扶棺慟而絕
孀姑救之慰曰未亡人撫孤爲重如得以死殉

吾早爲之矣氏遵姑命忍死任家事姑病晝夜不
寢湯藥先嘗而後進姑歿盡哀又盡禮子廷彥教
使勤學今入泮爲邑名諸生

雙節一張文傑妻李氏一文傑子國瑛妻楊氏李年
二十七文傑卒矢志守貞撫孤成立楊年二十九
國瑛亦卒又無嗣姑媳共勵冰霜自矢督學楊表
李節曰勁節凌霜楊性好施數周困乏前令諸匾
其門曰完貞樂善李氏取胞姪庠生國珩之子擢

爲楊嗣楊今六十二歲繼子擢邑廩生

丁氏呂六兒妻夫亡氏年二十三子方襁褓氏志在撫孤其夫兄呂四欲嫁之氏乃襪中結小刀髻內亦藏刀一日出外拾野蔬見數人牽馬至抱氏飛去蓋呂四已賣吳四爲妻矣氏至吳門襪中取刀急自刎見者奪去不虞髻內尙藏刀也及覺氏已死吳姓大駭立送屍還全其節

鄭氏張學詩妻氏與學詩生同庚年二十六詩卒遺

子五齡氏泣拜翁姑乞守志撫孤久之家益貧
姑堅欲嫁之氏知不可回投繯自縊而死

劉氏趙煊妻監生趙延祖之母也煊歿延祖僅二齡
氏曰未亡人義當殉翁姑年耄朝夕需問視而子
呱呱泣如有不虞趙氏血食遂斬矣忍死矢志茹
藥數十年教子成名德行重閭里

賀氏庠生潘丕承妻氏年二十四未有後夫遽歿
三月生子法堅守撫孤凜凜若冰霜隣舍罕有見

其面渙稍長勤績佐讀濡亦善承母氏志弱冠遂
入庠學憲楊旌其門曰松筠節操

馬氏民人董志聖妻年二十歸志聖八載而夫歿守
節三十有四年初志聖出繼伯父董耀爲嗣當氏
夫歿時耀已逝姑年老而憊氏事倍色養本生舅
姑子云亡氏迎於其家是年大疫癘一舅兩姑俱

染病氏不避傳染湯藥必躬親久弗懈舅姑旣痊
氏亦無所害越數年舅姑相繼歿塋祭如禮家居

朝夕奠哀哀如初喪氏有子曰萬有蚤列賢序氏之教也姪萬一蚤歿遺妻張氏並姑女無所依氏曰余之責矣勉使共守張後病歿氏厚撫其女又有婢正兒氏詢知其字李姓厚遣之婢與李得完聚願事氏終身氏終遣使去雍正十三年知縣楊詳請旌

張氏民人董謹妻結縭未三載謹歿誓死無二志三十餘年出資蠲修白河橋知縣諸給匾旌其門

黃氏李明新妻氏適李未一月夫遽歿氏矢栢舟週
二載父母翁姑相議令他適氏乃詭言欲終制乾
隆三年正月初六日夫之忌辰也泣血拜夫墓次
日投繯自縊死

劉氏王永祥妻祥家貧既歿氏益困與其子玉兒磨
豆爲腐以活生守苦食貧不貳志

陳氏高鳳鳴妻鳴歿氏之苦與劉氏同其子存兒營
生亦與玉兒同鄉黨歌曰苦矣劉苦矣陳冰蘖矢

志不愧彼良人

馬氏邑庠廩生張翰儒妻氏年二十歸翰儒生一子
斗翼越二年翰儒歿家無升合儲氏奉翁姑撫幼
子飲水茹荼晝夜績聲徹四壁二十餘年翁姑相
繼亡塋祭皆如禮雍正元年氏甘糠粃四十餘年
矣閤學公舉學憲楊旌其門曰節孝全倫孫二長
曰澤次曰沛乾隆七年俱入泮曾孫遶膝將來福
未有艾云

劉氏高綉妻二十四而寡夫歿三月生一子舅姑憐其少也欲嫁之氏誓無他適朝而汲暮而燃夜而績勤苦供婦職舅姑歿殯塋無資泣血丐旌人乃得厝現年七十餘亭亭松操歲寒識後彫氏之謂夫

夏氏監生郭元濬妻二十九歲喪所天遺子郭梅甫

五齡氏撫成立爲娶梁氏數年梅亦歿梁氏年二

十二願敦其姑并苦守氏年五十九終其媳梁氏

亦無出撫養堂姪明照延夫嗣入成均侯選吏日
氏現年四十八守節二十有六年誠一門兩節矣
王氏庠生蘄志忠妻志忠歿氏年二十六無子冰心
自持抱其幼女日夜泣欲死不得死廼取夫弟監
生志孝長子爲之子守節二十有五年

褚氏盧佩鳳妻佩鳳力學實志歿氏年二十七子甫
週歲遽以手執纒抱孤日夕泣旣欲以死殉又不
敢遽死鄰婦勸曰立孤難死節易也氏廼忍死茹

南平縣志 卷之三
茶苦守四十餘年教子常以慈兼嚴子琢稱克家
氏之力也現年六十有九

周氏張文玉妻玉卒氏年二十四歲遺孤甫三月勵
志苦節竭力撫孤壽八十九歲而終守節六十五
年孫坤邑增生

雙節一張英奇妻喬氏一英奇子生員文星妾胡氏
喬年二十八英奇物故績紡度日訓子讀成名喬
六十四卒文星妻劉氏無出妾胡氏生子偉甫週

文星故劉亦相繼亡當是時張氏一脉係胡氏一人而胡年纔二十二矢志栢舟訓子義方不事姑息備入邑庠皆胡教之也胡現年四十有六

韓氏民人李揮妻年二十七歲揮歿願以身殉復念姑老媳代子職養塋罔不以禮氏無所出有勸改適爲愈者氏曰生爲李氏婦死爲李氏鬼吾志決毋多言因取夫兄李夏之子爲嗣撫養若親生然現年六十有三鄉黨靡不嘆其苦節